

բէն մին Յովհաննէս Ծործորեցի՝ իր «Մասթոսի Մեկ-
նորիւն» գրքին մէջ Յիսուսի Թաբոր լեռան վրայ ու-
նեցած Պայծառակերպութեան առթիւ կը յիշէ երեք
աւանդութիւններ. «Իսկ այլք տաղաւար զերիս խոր-
հուրդսն ասեն՝ զոր աւանդութեամբ պահեմք. զմին
յանուն տեառն զծննդեանն, և զմինն ի Մովսիսի զա-
ղուհացսն, և զմինն յեղիայի զայլակերպութեանն (Ծոր.
էջ 363):

Sir John Maundeville 1322 ին կը գրէ. «Այդ լեռան
վրայ և միւսնոյն տեղը, դատաստանին օրը չորս հը-
րեշտակներ պիտի հնչեցնեն չորս փողեր և մարդիկ յա-
րութիւն պիտի առնեն և՛ մարմնով և՛ հոգևով դա-
տաստանի պիտի կանչուին մեր Տիրոջ կողմէ՝ Յովսա-
փատի մէջ» (E. T. P. էջ 186):

Թաբորը եբրայական անունով կը կոչուի Թապոր,
Փիւնիկեցիք և Յոյները կը կոչեն զայն Իրապրիոն եւ
Արապրիոն, իսկ Արաբացիք՝ Ճեպիլլ Նուր եւ Ճեպիլլ
Թոր:

Դ. դարուն սկիզբն էր որ Ս. Հեղինէն Թաբոր
լեռը այցելած և հոն շինած է եկեղեցի և մեծ գու-
մարներ նուիրած է անոնց որ կ'ուզէին հոն բնակիլ:
Պաւլինէ այցելեց Դ. դարուն, իսկ Անտոնինոս Զ. ին՝
և հոն գտաւ երեք եկեղեցիներ: Արզուլֆ եպիսկոպոս
կը պատմէ թէ է. դարուն հոն մեծ վանք մը կար:
Ը. դարուն Վիլլիպալտ կը գրէ թէ Թաբորի վրայ կա-
յին եկեղեցիներ՝ յանուն Մովսէսի և Եղիայի: 1113ին
Յովհաննէս Փոկաս այցելած է հոն և գտած է վան-
քեր և եկեղեցիներ բազմաթիւ վանականներով: 1209
ին Մէլիք-Ատէլ կործանած է տեղւոյն եկեղեցիներն
ու վանքերը և հաստատած է միջնաբերդ մը անոնց
աւերակներուն վրայ: